

南
屏
山
人
集

南屏山人詩集卷三

溧陽任端書念齋

暮雨

高樹鳴鳩晚東風送雨頻
石欄飄乍濕鴛瓦響初勻
暗逐香篝潤潛滋翠葉新
那將霑洒意飛入故園春

惜花二首

庭院深深獨掩門
養花天氣鎮輕陰
幾迴婀娜東風力
多少飄零夜雨心
開處遲遲休悵望
看

時細細莫侵尋
簫香祇恐成狼籍
秉燭空憐月影沉

二

開時誰遣笑春暄
不分飛紅又滿園
倘貯鶯花曾有國
欲尋煙蕊更何村
迴風作意搖仙袂
流水多情過續垣
銷歌鉛華一彈指
拍漫憑檀板為招魂

對月書懷

桂魄亭亭麗碧霄
仙家樓殿徧今宵
月當圓處

人偏遠秋正佳時夢易遙翡翠鈎懸天上鏡芙蓉屏倚座中簫熏香繡被無眠夜悵望江波隔畫橈

聽友思弟援琴

萬籟正沈沈澄冷起片音松風灑空澗流水連孤岑已帶清秋意能虛靜夜心悠然無一語涼露滿衣襟

苦寒行

仲冬蕭蕭北風作雪花捲席天邊落層冰三尺

無裂紋寒氣侵尋入羅幕玉爐灰影紅霞浮當
戶重披季子裘夜缸灑灑不知暖空思白醉登
南樓

南歸口號

朔風獵獵戍烟浮青綺門邊古陌頭樹起宿鴉
啼北郭人隨歸雁向南州關河歷歷催殘臘雨
雪瀟瀟點敝裘猶及還家醉春酒黃驄嘶去莫
遲留

雪夜泰安道中

南城騎馬路夜雪劇縱橫風攪天花亂雲蘿岳
色平光侵銀闌曙冷撲玉鞍清埜店生殘火依
依過客情

歲暮渡黃河值冰下如山觸舟幾覆
破臘東風早黃河已解凌溜添千丈急聲帶雨
崖崩舟楫愁翻觸黿鼉畏輾輳中流幸飛渡回
首意曹騰

揚州見臘梅

江郭暄冬候絳棗放臘梅憑添官閣興渾似故

園開嬌額黃初上
檀心麝共催偏空
倚釵朶嫩色照金杯

雪中渡江

極目蒼茫裏漫漶朔雪浮
江聲凍京口城影暗
瓜州花亂侵帆重烟昏攪
笛愁金焦天外落數
點白如鷗

京口阻冰

北風中夜急萬頃凍玻瓈
勢欲埋蛟窟愁難度
馬蹄江聲寒不起檣影遠
難齊一葦丹陽岸真

令客思迷

荆溪留別芳洲二兄

孝標群從共佳游，坐嘯春風罨畫樓。
芳草池塘生曉夢，竹林花月醉東頭。
長橋橘柚君初種，陽羨溪山我欲留。
奈得烟帆送人別，朝來江岸隔扁舟。

第二泉

第二泉誰品，唐年陸季疵。舍天澄雪色，漱石寫雲姿。
隔塢香茶社，分流入寺池。還逢劉白墮，乘

落釀偏奇

奉題鄒晴川先生山水二首

細路斜橋帶野煙江南風景未霜前
吟餘忽憶東坡句淡墨秋山畫遠天

二

閒將素練擘鵝溪收拾煙雲入舊題
記取前身是摩詰數峯貧寫夕陽西

東河卜居成二首

一椽新夾清潭水三徑遙連仲蔚廬
宋玉臨江

初有宅杜陵錦里好安居秫田釀酒兼供鶴芳
檻移春且荷鋤屋宇無多足幽事何須門巷過
高車

二

疊石為峰傍小齋因邱緣壑即成臺隱囊紗帽
情俱得翠竹紅藤手自我不礙雲山如西裏閒
招風月下庭來書籤更愛飛花亂故遣虛牕竟
日開

獨酌

試問鷗鷺杓時呼鷗鷺杯白波還獨捲檀板未
須催妙理端能識奇懷亦自開醉鄉如作記無
使俗人來

山中落葉

千林黃葉落寒日曉霜清滿地無行跡空山作
雨聲寺門煙共濕苔澗畔初平為想荆臺上蕭
蕭幾夜情

題趙松雪浴馬圖二首

蹴電嘶風入塞雲渡江龍去不知春王孫零落

冬青老閉戶朝朝學滾塵

二

春江沙淨水如煙成隊浮波不用鞭自是精神
工貌取黃皮紅罽紫毛旋

後苦寒行

江南地偏候多熟冬月常看稀雨雪苦寒不似
薊門深往往梅花臘前發今年寒氣壯元冥十
日北風增凜冽雪封平地三尺厚河冰直下千
層結行人曉憂僵隋拍推衾但覺稜成鐵那能

詩句覓驢背乍可閉戶坏虫穴轉疑水國如絕
塞茸裘吹偃肌膚裂時吟孟郊苦寒調短日青
蒼冷光徹安得一夕回春姿使我無憂歲闌節
讀高忠憲遺書

逆事何堪說東都運已窮清流劇餘徇遺表託
孤忠水共昭潭古書留碧瓦紅黨人名字在千
載溯寒風

題梅花書屋

春風香滿屋老樹有梅花借問何人種孤山處

士家鈎簾亂書帙照月影橫斜誰伴吟秋水神
仙萼綠華

上巳

春波細細暖生鱗三月風光滿路新天氣還如
曲江節花枝曾照杜陵人錦裙湔罷翻歌扇寶
馬來時拂豔塵醉咏流杯未歸去柳條圍帶艸
鋪茵

秦園卽席

載酒名園入聯鑣曲徑通池亭藏複折岩壑起

玲瓏竹粉青琅字鶯譔錦樹風舊游多少在流
水管絃中

村燕

春事樂田家村壆護白沙茅檐歸燕入片影掠
風斜故故雙臨水時時緩嘒花呢喃將子後隨
處逐縹車

郊外

六朝山色艷著蛾南國風流近若何宮樣粧成
劉碧玉機絲傳與寶連波飛花滿路嬌鈿朶畫

舫移雲妬綺羅日晚相逢採桑伴春情偏較洛
川多

題董宗伯長江萬里圖二首

江山筆底開生面水墨光中得意初看取天機
全到眼畫師誰似董尚書

二

一渡嘉陵聽水聲何人下筆慣通靈都憑老去
新亭監快寫生綃入杳冥

登錫山望太湖

湖水吞舟大人來坐石高晴天開遠色曉日見
秋毫沙鳥帆千笏漁歌畫一舸洞遶青不斷時
復沒歸濤

芳洲二兄許惠素蘭久不見寄

曾說騷人九畹蘭一莖砂點玉翹寒種來春箭
黃磁斗長徧秋蓀紫石闌三月寄書聞許致半
焚臨砌未教看殷勤更問山中客何日根移曉
露攢

過潘氏山莊

卜築稱幽棲層層罨西溪林亭隨處好花竹與人迷石磴紅泉落山橋碧樹低素琴堪一弄風外歌相攜

西施庄

舊徑迷香斷千年響屧春不知亡國恨猶說沼吳人

專諸巷

吳市專諸閨花宮寧堵波室留名字在鐘鼓夜殺多

春伯塚

讓王遺塚至今稱字滅碑殘問老僧祇有歌聲
悲採藥清風留得與延陵

闔閭城

燈火樓臺接暮雲闔閭城畔又黃昏湛盧飛去
江魚老歲歲春風破楚門

荷花

平池開靜院淥水冒朱荷醞豔琬紅玉囊香動
紫羅露明烟共曉風定水微波白鳥時嘗下相

蕪麗色多

蓉湖泛舟

白舫紅橈破曉烟
錦沙芳藻媚晴漣
夕陽圖画開金粉
春水樓臺浸管絃
共載豈無陶峴客
相看俱羨李膺仙
秋來應是多情思
霞綺光中唱採蓮

葦半閣

閣小真如舫
才空十笏多
經秋仍覆瓦
隨意擬牽蘿
簾額新明月
窓花舊水波
題詩分雪壁
相

喚有羊何

山中同鄒晴川先生作

山靈不用辟塵方
鳥有幽啼徑有香
苔色冷和雲樹古
雨聲遙送石泉涼
霍搖松影溪千尺
人夢梅花月半牀
多少忘言靜中意
輕風為掃讀書堂

東亭晚興

嵐光淡將夕
獨向東亭路
荒榛煙景秋
蒼蒼滿平楚
迴塘漫故池
亂竹封殘圃
無人一登眺
俯

仰傷今古

香花橋

橋帶泉亭近花飛岬樹新
畫橈停別浦山屐趁
行人蝴蝶邀團扇
覓維覆白蘋春來酒壚畔
眉樣捻微顰

荒村

丹楓黃菜帶霜翻
斷井危橋自一邨
古木多年作禁社
數家沿澗閑柴門
午樵歸後炊烟細
晚岬平來乳鴨喧
賣酒旗斜無處覓
而餘畱得漲

沙痕

山中新月

山中新月上才比玉鉤餘
眉態兼峰西秋輝抱樹疎
已看涼思早復此夜牕虛
待得將圓候惟應照讀書

病瘡

難將瘡鬼朝朝避試把江靈細細論
未處竟如潮有信截時憑說蟹當門
層冰赤腳難銷熱五月披裘乍未溫
安得頭風愈飛檄杜陵詩句亦

空存

贈歌者

小史如初日新聲學館陶空歌三婦豔堪著五
花袍芍藥稱名好琵琶撥調高曲中誰敢羨只
有鄭櫻桃

高三維清約過水居不果

水亭烟榭繞微波露沈風酣景物和名跡前賢
曾未歇良辰佳約許相遇扣門正擬侵晨到步
屨偏教晚晚何惆悵題詩寄高適負他鷗鷺往

來多

題華芋園先生花園二首

徵君三畝宅高士一牀書為圃情偏適留春樂
有餘詩瓢香寫潤花榭蝶飛初楊子談經處從
來興未疎

二

砌合叢叢竹畦澆細細泉槿籬饒曲折藥徑雜
沿緣駐屐濃香簇分鋤帶月遷幽懷無箇事騷
雅得餘箋

雨後偕高維清步歸城南

宿雨初晴不作泥
江城如畫淨朝暉
佛頭洗徧千山翠
鴨綠平添一澗肥
康樂閒携雙屐去
林宗斜墊角巾歸
故人好在高常侍
五字吟成白鷺飛

夜坐

遙夜清如水
林香獨坐時
疎簾鈎月早
芳樹弄風遲
佳句閑中得
幽懷靜裏知
起看庭院影
應有露華滋

喜得綠牡丹

慈恩寺裏無尋處丞相坊中暫覓來
翠羽偕分鸚鵡色碧霞輕捧鬱金杯
青綾神女邛靈桂綠繡仙人趙素臺
不為乘鸞下瓊島等閑難見一枝開

題崇安蘭若

南郭趁晴沙招提一水涯
青山元度宅紅樹象王家
洗鉢臨寒澗談經對落花
赤髯誰作論還欲問毗耶

舟行即景

舟路何迢迢沿緣去安之顧見帆影進稍覺沙
岸移鳬鷗不驚人汎泛隨碧漪烟光媚遙思晴
天空倒垂是時春正深和風澹相吹蓬牕紛藹
黛景物呈妍姿田家兩三處斜出桃李枝游娛
永白日寫我情逶遲

晚泊

夜泊空江上風聲與水聲樹根深繫纜沙嘴暗
垂檉漁浦月初落船窓燈自明微聞吳客語時

復起鄉情

金山

金山一拳石，岷嶴橫滄江。因險遂成勝，瑰雄勢
無雙。諸天壓水府，魚龍伏秋窓。濤聲竟何怒，千
載相擊撞。

焦山

焦山游門口，偃蹇如高士。物外不可狎，遠秀絕
人世。泊船風江上，夜浪成夢悸。獨懷焦孝然，穩
卧山下寺。

雨後聞鶯

客意如何著時。夢不成。扁舟春雨後。深樹曉鶯聲。睨睨催芳節。間關說旅情。江南三月暮啼處。雜花生。

溪上

澄澄霞散欲平江。鬱鬱蒲生已上塘。步襪人來川路遠。撇波仙去雨痕長。大堤拾翠沾殘粉。一水迴舟認暗香。終怕金屏隔幽夢。懊儂三十六鴛鴦。

游南屏新寺

梵宮枕南屏輝煌說新禩金殿毫光明寶蓋法
雲霞青青雙樹林鬱鬱鎖岩岫僧坊抱蓮花各
自開戶牖鐘鼓宵沉沉拜禮伏龍獸真文襲銀
函佛衣炫罽繡香廚導泉源清澄可鑒漱齋餘
洗殘鉢往往走猿狖精廬開此地往事良足究
當年讀書處先子實相就壁上莓苔澣俯仰歲
月驟題詩一輟轉山雲染歸袖

謝公渾二首

江左謝元暉宣城罷郡歸偶然開別業於此掩
柴扉年自永明古渢添春雨肥後來名跡在多
歎昔人非

二

渢水合成湖微茫浸綠蒲中藏亭榭好瀟洒盡
圖無四月全消暑扁舟試釣鱸來游轉增賞定
擬狎沙鷗

山行

落盡飛花草樹新山行初夏鳥聲聞石間藤蔓

昏香氣雨後溪沙足錦紋冉冉幽篁生翠竹時
時孤嶂吐晴雲惜無高士堪同侶空望當年採
藥群

宿南屏僧舍

南屏山下路寂寂掩禪扉入院聞香氣垂枝挂
衲衣枕遣泉響落夢斷磬聲微一夜繩牀宿塵
心那不違

舊寺

舊寺何蕭條殘僧已頭白紺相迷故座蛛絲暗

頽壁廢興會有時萬事迭更易惟餘屏風山千
年長碧色

松鼠

亦自豐毛羽居然識性靈山空群託命樹古穴
痕青覓食緣枝下窺人隔葉聽一為羅者獲樊
籟伴文翎

宿田家

泱泱騰水白銑銑苗葉齊田家事力作早起隨
鳴雞歸來驅烏犍日腳桑樹低殷勤畱過客呼

婦烹伏雌濁醪不待賒黃梁已成炊
願客無遽行飽我葵與藜
夜靜明月出茅屋生光輝
照客有餘清竹樹相因依
念此田家人事朴情不違
信哉樂復多用歎征途非

聞笛

飛破樓中第一聲
依依裊裊倍關情
誰家玉笛吹良夜
纖手當窓倚月明
楊柳千條迴絕塞
梅花五月落江城
季長鳴裏偏聽得
擬賦簫簫恨未成

初秋夜坐

蘭露洗殘暑
梧風生早涼
簾光通夕滑
河影一天長
點點螢流砌
微微月過牆
無因賦秋興
閒坐數年光

雁字四首

誰寄蘇卿北海書
一行秋翰破霜餘
波明尾影全分隼
雲訴離愁不借魚
噉嚙數聲成點後
橫斜排字近人初
洞連多少詩情在
好倩乘風姿
盪如

二

上谷歸來見羽人，八分飄逸露精神。
青天作紙聊堪寫，碧海臨池偶寄身。
書向虛空渾不減，勢迴風雨看常新。
餘才乞與陶貞白，凍翰猶為世所珍。

三

岫嶠衡陽昨日過，陣雲千里試文戈。
人間筆力無餘地，天上書牋有絳羅。
空是羽毛羞野鴛，豈容儔侶託群鷺。
從誰寺堦閒題徧，一餉傳看未

是多

四

雪沉沙海獨摩雲太守何人在鴈門莫倚衝風
弔今古好憑積水繪乾坤稻梁文字原相敵霄
漢江湖即共論收拾閒吟付騷客亂鴉枯樹滿
孤村

費奕士招飲遮中

好景清如水間庭淨暑塵舉杯邀皓月當席岬
綸巾高樹初張蓋餘花欲聚首可人看費禕醉

倒玉山頻

秋夜聽雨

却聽西牕雨秋涼夜始閒
洒多迷竹徑聲急滿柴關
石磴層雲濕溪流碧玉灣
何人同翦燭還與話巴山

微雪

消息斷歸鴉雲平朔吹斜
飛二難作陣點二不成花
天遠低寒岫江空散白沙
朝來賦冰柱應見繞檐牙

雪夜歸自北門

正是雪寒候江邊獨客歸城樓聞柝暗燈火出
林微凍合緣溪路聲沈隔巷扉家人憫行役相
恐濕霑衣

除夕

幾經除夕過新年又醉今宵短燭前天地無心
賒歲月春秋長覺換風烟浮名未擬昧不雪恥
事真須付管絃又報枰花香入戶朝正

雲篇

南屏山人詩集卷四

漂陽

湖上放歌

湖上清且美湖色淡如綺山翠波搖搖沙淺石
齒齒淪連曠多趣謫蕩浩相委能使空心神兼
之悅名理魚鳥欣既狎塵裾樂方洗濠梁獨有
情滄浪自茲始渺渺長天清藹藹芳樹靡安當
招鷗夷扁舟卧湖水

春初簡山中知己

春事雖未動春光已自浮雲容晝俱暖風色晚
先柔竹暗鶯相和梅殘蝶更留寄言同調者佳
唱憶清詞

雨中聞鶯

春色未深處山中有早鶯啼時風自軟開處雨
將情枝底愁沾濕花間待送迎載陽時節好閒
與賦倉庫

溪上眺覽

晚色媚霞景清溪相屈曲龍山波上明遙遙淡

如沐春風起和聲佳樹生衆綠幽人展遐眺含
思竟何屬

蓉湖春思四首

春來何許寂闕情杜牧狂懷一倍增芳月解窺
雕戶瑟好風徐定繡簾燈越羅薄倚桃花扇紅
袖輕裁柿蒂綾留滯仙郎行樂地不教河影轉
銀繩

二

春娘迴舞小娘歌聽徹聲喚奈何屈戌封寒

隔銅蟲屏風畱夢護金鵝新詞壁月誇瓊樹小
字紅箋壓絳羅任是啼鳥啼欲曙鴛央終解宿
江波

三

遙遙烟聚黛邊山細細珠栖髻上鸞人語留懽
碧鸚鵡花枝遮客紅闌干燕迷仙館迴飛急馬
戀章臺欲過難莫遣傷人妬香氣春波湔著未
經殘

四

芙蓉湖上水如油
明似青天淡似秋
才子華年憐錦瑟
美人仙侶更蘭舟
淥波三月江淹恨
香草千年宋玉愁
俱託春心還極目
行雲回首礙高樓

晚興

寒盡山家樂
春來晚興多
餘花明夕照
白鳥沒清波
舍影平堤上
溪烟野岸過
誰吹隣寺笛
杳杳隔青蘿

秦園卽事

江東勝日多佳侶淮海名家有舊園人到蘭亭
修竹茂地如梓澤好花繁題詩解帶風生筆掃
石彈碁月滿軒山水清音間絲竹不容談咲緩
芳樽

梨花

群玉山頭一片雲飛來遮際曉氤氲應煩月戶
脩瓊斧會姒仙家暈羽裙經雨新粧微著淚因
風香蕊薄含薰年季三月雕闌畔長見枝枝照
影分

白燕

萬里曾無雪點衣
老池先帶海雲歸
瑤篴羃處難分影
珠箔穿時合共輝
明月雕梁看隱約
梨花芳樹認依稀
何年仙館釵頭侶
暫作人間玉翦飛

羅漢泉

惠泉何從分
乃自羅漢水
一泓實濫觴
晝夜行不止
惠泉清且甘
漢泉薄以菲
同流且同息
何復異源委
因知天地間
用舍有殊理
作此漢泉

詩庶以示君子

落花三十首

春愁無限下吳江一
倍風花意未降是客心狂
偏泥酒有人腰細怕開牕
香沉繡被衣三浣紅
重綃封淚幾雙斜角晚烟
零落後綠槐疎雨竟
何邦

二

催歸誰遣喚春歸未
妮東皇小住佳桃李無言
空抱子燕勞分路併離懷
溪邊枉惜千金縷樓

上交愁萬寶釵簾幙重重貪卧病夜深檀板靜
空齋

三

江天無賴曉陰陰儘送繡花別故林碧海香生
難問種紫濛人去枉多金旋催軟舞迴風急徧
著啼粧帶雨深坐看芳菲總銷歇向來徒惜折
盈簪

四

上馬才憐隋玉鬢況嗟狼籍不成斑波長易送

湘妃別樓迴憑招楚魄還與汝為鄰一生足關
卿何事兩眉彎小軒睡起無情思芳草斜陽隔
遠山

五

各自飄揚不自持劇憐相妬復相隨渡江重愴
關山曲行路難齊上下枝苔污錦鞦畱瑞腦露
迷宮井濕胭脂畱連到處知何為片片春心折
藕絲

六

舟舟飄塵奈爾何
珊珊縈袖撲闌過
乘潮永望珠移蛤
出寺頻追帖換鵞
壁去擬將秦柱碎
鏡沉偷借蜀江磨
青梅解說英雄事
夜半親聞帳底歌

七

青陽歲歲傷人回
有意無情不共媒
獨立風流空國媛
當時顏色徧輿臺
時來易值鸚哥喚
事去難憑羯鼓催
本是傷春又秋恨
為君臨水下蘭臺

八
爛熳初薰送夕暝三分芳節過平分畫塘粉水
琉璃地才子蘭舟越鄂君射鴨身閒侵沼見賣
餚聲峭隔煙聞玉簫不遣輕吹徹已破蘂纖一
樹雲

九

不成飛去復飛還聲斷陽關阿鵲醵著髻已疎
香點點巡檐空喚手捺捺東鄰天遠窺人路南
浦風分送客帆邀伴明朝曲江曲更於何處曲

春衫

十

交枝妨帽影
菲菲徧踏城南
舊杜韋啼歇
乳桐么鳳小
詞殘青箬
鰕魚肥九千
刻裏晴埋照
一萬分
遣雪打圍
歲歲獨添妃
塚恨月明環
珮竟空歸

十一

開遲偏恠習
家園故故東
風怨峭寒是
也却教屏外
見仙乎曾向
掌中安纖魂
奔月難畱夢
半

面銷粧尚為歡同是蘭成愁思在相看真悔著
衣單

十二

邊聲切切語琵琶帳底蕭娘絕塞髮方麴隱囊
人側帽青鞋羅帶晚還家掩關寂寂難料理問
訊迢迢祇歎嗟那復筵前開頃刻與儂偷駐小
年華

十三

試粉何郎倦目挑薰香荀令困膚撓三千金粉

南朝客一咲衣冠北郭騷風暖風寒雙海眼春
生春死半秋毛明瓊採取後人呪博進無心鬪
錦袍

十四

千金曾度可憐宵但惹微風不耐嬌未嫁預施
醫後頰爭高還折舞時腰游魂夢蝶真千載得
意飛虫共一朝陋巷依然揚子宅自籠春茗試
春潮

十五

危芳翻弄轉稀疎暗地苔痕伴索居搏露漸酣
雙白宿破波頻上小紅魚輕羅正待佳人翦艷
鬢難禁綺節除攬得新蒲卷裙帶間將蕉葉併
題書

十六

休將新樂唱于闐染袂何應解宿纏珠淚與拚
同日盡木腸難試此時堅小錢買舞榆千葉舊
物留歡蘇一瓊意氣河橋奈何許夜深愁殺灞
陵畋

十七

楊花歸夢繞魚萍蝴蝶春魂怯馬塍
葬盡美人鵲寂樂時逢公子燕何能
羅裳換遍紅心草翠袖燒殘子夜燈
恠殺年年三月節同心行雨上西陵

十八

一夕蒼茫不可論清陰遙望數家邨
栽培始憶冰霜苦飄泊仍含雨露恩
金盃未迷身後約彩舟何負去時魂
吳姬喚客金陵店惱煞啼鴉繞

白門

十九

盡日相將逐冶游道無愁處始成愁夢中夢
少年少春尾春兼流水流委地分明三語掾連
雲消息九皇州十尋重拂江潭岬極目天涯獨
倚樓

二十

天斜爭認董妖嬈無賴侵人懶自嘲禪榻鬢絲
風不定游韁歌瑄晝初交六銖迴袖天衣亂七

寶傾輪月殿
均道是分明
空過眼
故應難遣向
芳郊

二十一

丁尾鉤簾瑟
櫺江皋烟薄
畫冥天長
吳苑連高榭
路轉西江
入小屏
心字暗縈
深宛眉圖相
寫太惺
芳姿不待
畊去曲塢
迴塘况所經

二十二

過一百五身事
慵懣愁打景
陽鐘已空
執樂

三千指剌有微吟十二峰故里青門田十畝昨
遊朱館路千重經年慣作長安別不分鄰舟特
地逢

二十三

冶裏梅根掃鏡橫江干拋葉並船迎碧羅天氣
教中酒紅豆心情恰聽箏懊惱半嫌成錯莫惺
忪長是不分明弓腰一曲渾銷得腸斷人間阮
步兵

二十四

豈惜高臺護一檐
尖風成片巧磨鑱
命緣天付傾城短
謫為心貪結子巖
半額荆墳飛玉蘭
六宮苔鎖散珠奩
海棠旌旆麒麟畫
自爾因思不可兼

二十五

開何緣業謝何因
不信春情慣不真
一斛妬拋珠密寄
更衣貪取玉橫陳
入宮自訝連城價
失路偏多絕代人
欲覓東鄰王仲武
封遶三尺恐揄茵

二十六

彈指鉛華著處空寂寥誰更問殘紅世情慣識
蜂將蝶好事恒兼雨打風翠袖曲闌凭欲歌鈿
車流水去難逢綠陰芳草家家晚園柳鳴蟬一
聽中

二十七

盈二粧浥露條芳的三愁縈膩粉光連縷向分
勞謝女合歡中斷憶吳娘幾回掩歛和煙瘦不
分飄零特地香趁得清溪三百曲年季留恨過

橫塘

二十八

橘刺藤梢合故溪
筍厨櫻市報新題
嬋娟有恨生相見
弱水無端死欲西
萬事悠悠雲反覆
一春窅窅醉低迷
蓬萊尺海塵成斗
何恨遊蜂上馬蹄

二十九

風光駘宕力難扶
物色分遺劉野夫
小渡晴波將芍藥
下山芳澗採蘼蕪
游絲約掠禁全弱
嫩

蕊商量好在無池草自生吟思減郎將新句借
封胡

三十

大堤寒食水挹藍徧洗芳華夢正酣何恨石姨
工罵座竟成萱女解宜男翻車試挽連錢馬繞
樹應抽八繭蠶歸路更無春去處朝朝江北與
江南

暮春過許溪橋

東風還引客閒過許溪橋三月憐芳艸春波縐

碧綃灣環連罨畫幽僻稱漁樵便欲開三徑羊
求可共招

同高維清夜飲半閣

閣小堪留客身閒合舉杯故人兼跌宕暫醉莫
徘徊入酒紅燈咲當窓皓月催相看知己在幽
約好頻來

並頭蓮二首

羅襪何人伴宓妃渡江雙楫輒來時遲遲對影
嬌無語脈脈同心託所思照水有情憐玉井因

風俱笑倚湘湄故應留與鴛鴦妬菜底花前宿
未移

二

淥水芙蓉本是雙合跗連萼出芳房種來辛苦
歌蓮子開竅多情結蕙纓曉鏡玻璃明妬臉晚
塘紅粉雜生香休將並蒂詩梔子詩贈徐娘與
謝娘

泉亭納涼

銷暑向何處來此孤亭中枕簟石上綠衣裳松

下風盡日無客到閒心惟鳥同決決聽派泉忽
覺萬慮空洒然迴清涼赤日無祝融何用踏層
冰思入秋菰叢

題趙千里仙山樓閣圖

三山遠在東海東無人能到蓬萊宮六鰲翻後
峰影鬱乘波上下隨天風秦皇漢武空好事海
邊極望心無窮自非騷鸞與騎鶴安得直向方
壺中此圖妙絕誰所畫瀛洲員嶠春蓬蓬神仙
窟宅如眼見攝入筆底幻化工海潮鴻濛連弱

水縹緲金碧浮諸峰非烟五色出樓閣琅玕八
樹攢青紅仙家漫道一無事六種瑤草畊群龍
乃知與世了不異衣食未免勞其躬當時作者
如有意不止毫繪詩精融歌成畫捲悟法界聲
希色淨歸空 =

重過許溪橋

橋當許丁卯溪路憶微吟客興連邨入秋光到
眼深沙寒初落澗風響漸疎林即事添幽賞餘
情遠獨尋

賦得燈花何太喜

挹焰融融暖光清透碧紗向人渾欲笑披暈更生花夜永明偏好紅深影未斜端能將喜事消息報誰家

秋閨怨

天遠金微路書稀漢使前愁閨與明月俱是不成眠

二

洞房秋日薄玉闌寒氣深聲二怨砧杵處處擣

愁心

三

輶出門前望不聞郎馬嘶試看別時柳黃葉滿
江堤

四

憶郎還夢郎睡起淚先落徘徊明鏡前暗擲金
釵卜

古研

石骨巧誰裁分明鏡面開圓承青玉案膩落紫

雲堆古色浮龍甲，輕香吐麝煤。端州舊太守，曾道結鄰來。

贈歌者蕭元二首

渭城歌裏認何戡，一曲當筵酒未闌。誰付新詩周小史，過江風調數張翰。

二

長裘不羨董嬌嬈，能使江南客恨消。唱盡新詞饒宛轉，姓蕭人定解吹簫。

擁爐吟

冬月寒氣盛朔風來遶隅千林聲蕭條如與波
濤俱幽人不出戶歲晏無所須坐披鹿皮巾閒
讀挿架書終日安取煖竹火吹瓦爐俄然一室
內和候成春煦匡牀之高眠濁酒牽滿壺何必
狐貉溫即此良可娛

春雪

尚覺春寒在旋看片雪生因風隨處落到地不
勝輕晴訝銷偏易光侵夜更明併將梅蕊發村
畔幾枝橫

花朝簡鄒義章

小軒朝啓對芳辰二月江南早識春
正喜風光全向暖又催花事一番新
水邨山郭憑拖屐綠酒紅亭擬脫巾
鶯友相呼遙問訊真將時節負閒身

杏花

曲江池畔杏園東占斷韶華二月中
綃影生香輕乍翦粉痕凝露暖初融
枝分上苑天邊樹蕊暗神仙宅裏叢
漫逐天桃比顏色年年相亞淺

深紅

咏釵

一枝紅玉琢文鷄重綴珍珠壓翠鈿纖手插時
嫌未正雲鬟嬌處更宜偏九鷄窺鏡曾含咲雙
燕臨風似欲仙與作春粧本無價齊宮虛說萬
金錢

咏釧

軟金細細鏤螭螭條脫輕盈月一規淺約臂痕
如雪藕明侵膚影如凝脂枕邊暫卸聲偏密袖

底深籠見每遲佳約纏綿長不解紅紗誰數繫
來時

山中即景

物外無形役山中坐掩扉細分泉水脈閒待
雲歸易遣勞生事因知靜者機絲桐得幽趣隨
意正堪揮

夜宴曲為朱琬滋作

堤上菲菲春草萼春橈不渡春波歇陌頭楊柳
暗栖鴉天末微黃見纖月纖月娟娟照南浦錦

沙鷗瀟瀟眠三五蝴蝶花枝抱夢雲游蜂別宿深
溪處檐前漏水啼丁丁樓頭的博打鼓聲官橋
十里斷歸客燈火悄然迷一城城南遙二百花
墅低挂春星帶芳樹誰家金屋夜筵開一丈高
燒絳羅炬筵前屏風圍碧紗遠山十二芙蓉斜
盡遮愁思不到處紅尾鷗鷗嘶晚霞闕西黃鬚
少年俠慣惜金丸打江鴨菴畔偷隨吏部眠道
傍長荷劉伶鍤邀賓綺褥雙舞鸞瑤觥釘干
珍盤座中豪客金陵子江東新曲常林歡石城

艇子小蘭蓀迎得桅根倚雙楫雨痕霧影荆臺
高飛向深宵兩相結狡狴吹火香鑿_二春烟冪
人煎海濃緩搖團扇歌白紵輕綽銖衣霑露禁
小妓翩妍如碧玉湘水千行如褰幅美人桂黛
爭鸞環迴入青銅鬪蛾綠水紅越綾轉長袖秦
箏冰破丁東扣三_二分隊紫鴛央一_二含嬌瓊
荳蔻眼波齊動秋河水贈郎只有新蓮子仙人
玉壺傾縹鱗莫怕銀床醉難起金鯨一飛百榼
多白雨倒卷連山波盡翻酒浪作東海繡被自

閒如樂何。豹脂龍燭光相射。絳煤千疊。花難謝。
晶晶暖粉。酣胭脂。釵鳳幾雙低欲卸。拚借溫柔
作醉鄉人間萬事俱茫茫。井上新桐映投轄西
京。益公真酒狂。說劍當筵。兼舞蔗食單。更進牛
心炙。重拂瓊簫付紫雲。一聲宿鳥驚芳榭。五更
欲度天沈沈。盡鐸無風。簾幙深。但愁促漏。礙行
樂。願得扶桑迷曉林。天上雄雞啼喔啞。城頭畢
逋城影直。東方漸高。落曙星連前。一樹梨花白。
鬱金堂上。微熒二嬋娟。倦倚雲母屏。酒旗昨夜

照何處魯國朱家雙鬢青吳岫岑岑楚波繞門
傍江南往來道留醉東平個儻人相看意氣知
多少